

# I UVOD

## 1.1. Predmet istraživanja

Predmet ovog diplomskog rada je analiza finansijskih izvještaja, konkretno bilansa stanja i bilansa uspjeha kompanije „M:tel“ a.d. Banja Luka. Razlog zašto sam izabrao ovo preduzeće kao predmet analize jeste zbog toga što je dotična kompanija dobitnik brojnih priznanja na području investiranja, neto dobiti, društvene odgovornosti itd.

## 1.2. Ciljevi istraživanja

Cilj provedene analize je bio da pruži uvid u promjenu finansijskog položaja i rezultata poslovanja kompanije u posmatranom vremenskom periodu. Analizom obuhvaćeni period se kretao od dvije godine 2010. i 2011. za potrebe provođenja horizontalne, vertikalne i racio analize, do četiri godine 2008.- 2011. u slučaju analize trendova.

## 1.3. Radna hipoteza

Osnovna hipoteza rada glasi: Za analizu pomoću pokazatelja potrebno je utvrditi standard kontrole, odnosno referentnu tačku koja označava „normalno stanje“, sa kojom bi se trebali porediti dobijeni pokazatelji u postupku analize finansijskih izvještaja.

## 1.4. Metode istraživanja

Prilikom pisanja rada korištene su metode sinteze, analize i deskripcije. Informacije su prikupljane iz interne dokumentacije firme M:tel, kao i relevantne literature.

## 1.5. Struktura rada

Rad je struktuiran iz četiri dijela. U uvodnom dijelu su navedeni predmet istraživanja, ciljevi istraživanja, radna hipoteza te primjenjene metode.

U drugom dijelu je obrađen teoretski okvir u kojem su redom definisani pojam, cilj i predmet analize finansijskih izvještaja.

U trećim dijelu su prikazane neophodne tehnike za uspješno provođenje analize.

U četvrtom i posljednjem dijelu, koji se bavi praktičnim primjerom, bilans stanja i bilans uspjeha kompanije M:tel odnosno računovodstveni podaci iz ovih bilansa su podvrgnuti detaljnoj analizi primjenom pomenutih tehnika. Najprije je provedena horizontalna analiza koja je omogućila uvid u iznos apsolutne i procentualne promjene iznosa u bilansu stanja i bilansu uspjeha 2011. u odnosu na prethodnu 2010. godinu. Zatim je uz pomoć analize trendova prikazano kretanje broja korisnika usluga i iznosa prihoda od pruženih usluga u razdoblju od 2008. – 2011. godine. Vertikalna analiza nam je dala uvid u strukturu sredstava i izvora sredstava u bilansu stanja, te strukturu prihoda u bilansu uspjeha. Na kraju provedena racio analiza je upotpunila sliku o uspješnosti poslovanja kompanije, dajući odgovore na pitanja likvidnosti, poslovne aktivnosti, profitabilnosti, finansijske strukture i tržišne vrijednosti kompanije.